

~ 16
4048
1



蘇州文集卷二



蘇
大
川
文
集
二
十
卷

光緒丙申景
蘇園影宋本

樊川以文章風節著於唐代其集
經歷朝之所著錄流衍刊訂論列已
久無待讚述惟其詩文散見於各總
集類集以外絕少行本而文集尤罕
焉宜都楊學博惺吾嘗游東瀛於
官庫摹寫此本定為宗槧記其始

未攷論甚詳會予宰黃岡與學
博同官乃獲見之歎其精而又慮其
久而就淹也亟付梓人越一載而歲事
竊維古籍流傳閱時既久脫誤滋
多尤大厄於明人其士大夫學者類
勇於竄改舊本經史諸編尚復沿訛


而况一家之集乎故宗槩為世珍秘不
特收藏鑒別修為觀美抑亦證古訂
俗多所津逮也學博之祀此本其言
甚辨予考新城王文簡居易錄謂
舊藏杜集二十卷後見宗版本雕刻
甚精而多數卷按唐藝文志樊川集

本二十卷而凡所傳外集別集續別
集皆宗人所蒐輯文簡偶未檢唐志
故其言然特以其言證之則此本之為
宋槧無疑又按晁公武郡齋讀書志
僅載外集一卷未及別集此本後附外
集別集卷數少於後村所見之本

多於公武所見之本是不特後村未見
此本即公武之恐未之見也予簿書之
暇既刻景蘇園帖行於世而樊川之曾
刺此州是杜蘇二公所遺留者固皆文
獻掌故之所闕記曰睹其器者進而索
其神後之覽者或憬然而長思慨然

而興起焉茲集之刻又烏可緩哉

光緒二十有二年秋八月成都楊壽昌撰



宋樂樊川文集世卷外集一卷別集
一卷原本藏日本楓山官庫無刊板
年月遞担鏡考字不避貞慎字
當是北宋本然每卷不為從目而以
從目居卷首六非唐本之舊劉克
莊後村詩話云樊川有續別集三

卷十八是許遵待牧任官不與南
海而別集乃有南海府罷之作是
劉所見者別集之外更有續別集
此本無續別集故是南海府罷詩
提要誤以劉所指者在別集中又以
今之別集只一卷較劉所見少二卷

遂疑又為後人刪定不知別集有巡
宣六年田稔序明云五十九首編為
一卷此本一相合安得有刪削之事
則知皮村所見續別集實為後人
所輯反不如此本之古今唐詩編按
詩為八卷其第七八兩卷皆此本所無

西與許丁卯集複者五首皆兩後村
所見之續別集中詩致致詩唯正集
皆為收作其外別兩集之多他人之詩
此外集之歸家一首為趙概詩龍
邱途中二首隋苑一首見李義山
集別集之子規一首見太白集皆

採輯之誤不獨續別集有許丁
卯詩也樊川詩久為有唐大家近
唯初邨馮氏注其詩集行世其久
集罕傳余故不惜重貲使書手
就庫中影摹以出行好事者重
鐫為无傳矣未四月宜都楊守齋記

于東急使館



樊川文集序

將仕郎守京兆府藍田縣尉充集賢殿校理
裴延翰撰

長安南下杜樊鄉鄴元注水經實樊川也延翰
外曾祖司徒岐公之別墅在馬上五年冬仲舅
自吳興守拜考功郎中知制誥盡吳興奉錢剏
治其墅出中書直丞召昵密往游其地一旦談
啜酒酣顧延翰曰司馬遷云自古富貴其名磨
滅者不可勝紀我適稚委於此得官受奉再治
完具俄及老爲樊上翁既不自期富貴要有數

百首文章異曰爾爲我序號樊川集如此顧樊川一禽魚一艸木無恨矣庶千百年未隨此磨滅邪明年冬遷中書舍人始少得恙盡搜文章閱千百紙擲焚之才屬留者十二三延翰自撮髮讀書學文率承導誘伏念始初出仕入朝三直太史筆比四出守其間餘二十年凡有撰制大手短章塗槁醉墨碩夥纖屑雖適僻阻不遠數千里必獲寫示以是在延翰久藏蓄者甲乙籤目比校焚外十多七八得詩賦傳錄論辯碑誌序記書啟表制離爲二十編合爲四百五十

首題曰樊川文集嗚呼雖當一時戲感之言孰見魄兆而果驗白耶嘻文章與政通而風俗以文移在三代之道以文與忠敬隨之是爲理具與運高下探採古作者之論以屈原宋玉賈誼司馬遷相如楊雄劉向班固爲世魁傑然騷人之辭怨刺憤懣雖援及君臣教化而不能露洽持論相如子雲瑰麗詭變諷多要寡漫羨無歸不見治亂賈馬劉班乘時君之善否直豁已臆奮然以拯世扶物爲任纂緒造端必不空言言之所及則君臣禮樂教化賞罰無不包焉竊觀

仲舅之文高聘夔厲旁紹曲據絜簡渾圓勁出
橫貫滌濯滓窳支立敲倚呵摩鄆塚如火煦焉
爬梳痛痒如水洗焉其抉剔挫偃敢斷果行若
誓牧野前無有敵其正視嚴聽前衡後鑿如整
冠裳祇謁宗廟其聒蟄爆聾發不慄若大呂勁
鳴洪鐘橫撞撐裂噎暗戛切韶護其砭熨嫉害
堤障初終若濡槁於未焚膏癰於未穿栽培教
化翻正治亂變醜養瘠堯醜舜薰斯有意趨賈
馬劉班之藩牆者邪其文有罪言者原十六衛
者戰守二論者與時宰論用兵論江賊二書者

上獵秦漢魏晉南北二朝逮貞觀至長慶數千
百年兵農刑政措置當否皆能採取前事凡人
未嘗經度者若繩裁刀解粉畫線織布在眼見
耳聞下其謫往事則阿房宮賦刺當代則感懷
詩有國欲亡則得一賢人決遂不亡則張保臯
傳尚古兩柄本出儒術不專任武力者則注孫
子而爲其序褒勸賢傑表揭職業則贈莊淑大
長公主及故丞相竒章公汝南公墓誌標白歷
代取士得才率由公族子弟爲多則與高大夫
書諫諍之體非訐醜惡與主鬪激則論諫書若

三百五十五
一縣宰因行德教不施刑罰能舉古風則謝守
黃州表一存一亡適見交分則祭李處州文訓勵
官業告東君命擬古典暮以寓誅賞則司帝之
誥其餘述喻讚誠興諷愁傷易格異狀機鍵雜
發雖綿遠窮幽醜腴魁畧筆酣句健窅眇碎細
包詩人之軌憲整揚馬之衙陣聳曹劉之骨氣
掇顏謝之物色然未始不撥斲治本緼幅道義
鉤索於經史觥禦於理化也故文中子曰言文
而不及理是天下無文也王道何從而興乎嘻
所謂文章與政通而風俗以文移果於是以上

盛時理具踔三代而蔭萬古若躋太華臨溟渤
但觀乎積高而沓深不知其磅礴澶漫所爲遠
大者也近代或序其文非有名與位則文學宗
老小子既就其集寐寤思慮顛倒反覆不翅諳
逾年苟墜承顧付與之言雖晦顯兩不相解在
他人無知狀者然以高有天幽有神陰有宰物
者可自扭誣以甘罰殛邪故惣條目強自作序

樊川文集總目

中書舍人杜牧字牧之

第一

賦三首

阿房宮賦

望故園賦

晚晴賦

詩二十八首

感懷

杜秋娘

郡齋獨酌

張好好

冬至日寄小姪阿宜

李甘

洛中送冀處士東遊

送沈處士赴蘇州李中丞招以詩贈行

長安送友人遊湖南

皇風

雪中書懷

雨中作

偶遊石盦僧舍

赴京初入汴口曉景即事

獨酌

惜春

題安州浮雲寺樓

過驪山作

池州送孟暹先輩

重送

題池州弄水亭

題宣州開元寺

大雨行

逢裴坦判官歸宣州因題贈

贈宣州元處士

村行

史將軍

第二

律詩六十七首

華清宮三十韻

長安雜題長句六首

河湟

許七侍御棄官東歸

李給事二首

題永崇西平王宅太尉愬院六韻

東兵長句十韻

過勤政樓

題魏文貞

早春閣下寓直蕭九舍人因寄書懷四韻

秋晚與沈十四舍人期遊樊川不至

念昔遊

今皇帝陛下詔徵兵不日功集河湟

諸郡次第歸降臣獲覩聖功輒獻歌
詠

奉和白相公長句四韻

過華清宮絕句三首

登樂遊原

聞趙縱使君與党項戰中箭身死長句

送容州中丞赴鎮

夏州崔常侍自少常亞列出領麾幢十

韻

街西長句

春申君

奉陵宮人

讀韓杜集

春日言懷寄李常侍

李侍郎於陽羨里富有泉石某亦於陽

羨粗有薄產叙舊述懷因獻長句四

韻

贈李處士長句四韻

送國碁王逢

重送絕句

少年行

奉和門下相公送西川相公兼領相印

出鎮全蜀

朱坡

早春寄岳州李使君

送王侍御赴夏口座主幕

自貽

自遣

題桐葉

沈下賢

李和鼎

贈沈學士張歌人

憶遊朱坡四韻

朱坡絕句三首

出宮人二首

長安秋望

獨酌

醉眠

不飲贈酒

昔事文皇帝三十二韻

道一大尹存之學士庭美學士簡于聖
明白致霄漢皆與舍弟昔年還往牧
支離窮悴竊於一麾書美歌詩兼自
言志因成長句四韻呈上三君子

杏園

春晚題韋家亭子

過田家宅

見宋拾遺題名處感而成詩

雪晴訪趙嘏街西所居

將赴吳興登樂遊原一絕

第三

律詩八十八首

洛陽長句二首

洛中監察病假滿送韋楚老拾遺歸朝

東都送鄭處誨校書歸上都

故洛陽城有感

揚州三首

潤州二首

題揚州禪智寺

西江懷古

江南懷古

江南春絕句

將赴宣州留題揚州禪智寺

題宣州開元寺水閣

宣州送裴坦判官往舒州

句溪夏日送盧霈秀才

自宣城赴官上京

春末題池州弄水亭

登池州九峯樓寄張祜

齊安郡晚秋

九日齊山登高

池州春送前進士蒯希逸

齊安郡中偶題二首

齊安郡後池絕句

題齊安城樓

池州李使君沒後十一日處州新命始

到後見歸妓感而成詩

見劉秀才與池州妓別

池州廢林泉寺

憶齊安郡

池州清溪

遊池州林泉寺金君洞

即事黃州作

贈李秀才是上公孫子

寄李起居四韻

題池州貴池亭

蘭溪

睦州四韻

秋晚早發新定

除官歸京睦州雨霽

夜泊桐廬先寄蘇臺盧郎中

新轉南曹未叙朝散初秋暑退出守吳

興書此篇以自見志

題白蘋洲

題茶山

茶山下作

入茶山下題水口草市絕句

春日茶山病不飲酒因呈賓客

不飲贈官妓

贈薛判官

代吳興妓春初寄薛軍事

八月十三日得替後移居雲溪館因題

長句

初冬夜飲

栽竹

梅

山石榴

柳長句

隨隄柳

柳絕句

獨柳

早鴈

鷓鴣

鸚鵡

鶴

鷓鴣

鷺鷥

村舍鷺

歸鷺

傷猿

卷目

九

還俗老僧

斫竹

將赴湖州留題亭菊

折菊

雲

醉後題僧院

題禪院

哭李給事中敏

黃州竹逕

題敬愛寺樓

送劉秀才歸江陵

見吳秀才與池妓別因成絕句

湖南正初招李郢秀才

贈朱道靈

屏風絕句

哭韓綽

新定途中

題新定八松院小石

第四

長韻四首

楚目

律詩七十一首

感舊傷懷因成十六韻

懷鍾陵舊遊四首

臺城曲二首

江上雨寄崔碣

泊湓浦感舊

商山麻澗

商山富水驛

丹水

題武關

除官赴闕商山道中絕句

漢江

襄陽雪夜感懷

詠歌聖德追懷天寶因題關亭長句四

韻

途中作

哭韋壽朋

赤壁

雲夢澤

除官行至昭應聞友人出官因寄

寄浙東韓又評事

泊秦淮

秋浦途中

題桃花夫人廟

初春有感

書懷寄中朝往還

寄崔鈞

初春雨中舟次和州橫江裴使君見迎

李趙二秀才同來因書四韻兼寄江

南許渾先輩

和州絕句

題烏江亭

題橫江館

寄澧州張舍人笛

寄揚州韓綽判官

送李群玉赴舉

送薛種遊湖南

題壽安縣甘棠館御溝

汴河懷古

汴河阻凍

酬張枯處士見寄長句四韻

寄宣州鄭諫議

題元處士高亭

鄭瓘協律

題籌筆驛

和野人殷潛之題籌筆驛十四韻

重題絕句一首

送陸洵郎中棄官東歸

寄珉笛與宇文舍人

寄內兄和州崔員外十二韻

遣興

早秋

秋思

途中一絕

春盡途中

題村舍

代人寄遠

閨情

舊遊

寄遠

卷一

簾

寄題甘露寺北軒

題青雲館

郡中有懷

正初奉酬

江上偶見絕句

題木蘭廟

入商山

偶題

送盧秀才一絕

醉題

題商山四皓廟

送隱者

遊張處士山莊

有懷重送斛斯判官

贈別

寄遠

九日

寄牛相公

為人題贈

卷四

少年行

盆池

有寄

第五

罪言

原十六衛

戰論

守論

論相

第六

燕將錄

張保臯鄭年傳

竇列女傳

書處州韓吏部孔子廟碑陰

三子言性辯

塞廢井文

題荀文若傳後

第七

唐故江西觀察使武陽公韋公遺愛碑

唐故太子少師竒章郡開國公贈太尉

牛公墓誌銘

唐故東川節度使檢校右僕射兼御史大夫贈司徒周公墓誌銘

第八

唐岐陽公主墓銘

唐故御史大夫韋公墓誌銘

唐故處州刺史李公墓誌銘

唐故歙州刺史邢君墓誌銘

第九

李府君墓誌銘

杜君墓誌銘

駱處士墓誌銘

復州司馬杜君墓誌銘

盧秀才墓誌銘

進士龔軺墓誌銘

第十

李賀集序

注孫子序

送薛處士序

送盧秀才赴舉序

杭州新造南亭記

池州造刻漏記

池州重起蕭丞相樓記

同州澄城縣功倉戶尉廳壁記

宋州寧陵縣記

淮南監軍使院廳壁記

自撰墓誌銘

第十一

上司徒李公論用兵書

上李太尉論江賊書

第十二

上門下崔相公書

上昭義劉司徒書

上周相公書

上宣州高大夫書

上李中丞書

與人論諫書

上浙西盧大夫書

第十三

上宣州崔大夫書

上池州李使君書

投知己書

荅莊充書

上河陽李尚書書

上鹽鐵裴侍郎書

與汴州從事書

第十四

黃州淮赦祭百神文

又祭城隍神祈雨文二首

池州祭木瓜神文

祭故處州李使君文

祭東川周相公文

祭龔秀才文

禮部尚書崔公行狀

吏部侍郎沈公行狀

第十五

黃州刺史謝上表

賀平党項表

進撰故江西韋大夫遺愛碑文表

為中書門下請追尊號表

賀生擒衡州草賊鄧裴表

謝賜御札提舉邊將表

謝賜新絲表

壽昌節宴謝賜音樂狀

謝賜茶酒等狀

代裴相公讓平章事表

代謝賜批荅表

又代謝賜告身鞍馬狀

論閣內延英奏對書時政記狀

謝許受江西送綵絹等狀

內宴百寮上壽酒及謝恩謝賜物等辭

三首

代人舉周敬復自代狀

代人舉蔣係自代狀

第十六

上李太尉論北邊事啓

賀中書門下平澤潞啓

上白相公啓

上周相公啓

上鄭相公狀

上淮南李相公狀

上吏部高尚書狀

上刑部崔尚書狀

上安州崔相公啓

薦韓又啓

上知己文章啓

獻詩啓

薦王寧啓

上宰相求湖州第一啓

上宰相求湖州第二啓

第十七

上宰相求湖州第三啓

上宰相求杭州啓

為堂兄慥求澧州

高元裕除吏部尚書制

崔璨除刑部尚書蘇滌除左丞崔璵除

兵部侍郎等制

裴休除禮部尚書裴諗除兵部侍郎等

制

畢誠除刑部侍郎制

韋有翼除御史中丞制

趙真齡除右散騎常侍制

韓賓除戶部郎中裴處權除禮部郎中

孟璉除工部郎中等制

鄭處晦守職方員外郎兼侍御史知雜

事制

庾道蔚守起居舍人李文儒守禮部員

外郎充翰林學士等制

李朋除刑部員外郎李從誨除都官員

外郎等制

權審除戶部員外郎制

皇甫鈺除右司員外郎鄭濂除侍御史

等制

韋退之除戶部員外郎裴德融除殿

中侍御史盧穎除監察御史等制

李蔚除侍御史盧潘除殿中侍御史

等制

盧告除左拾遺制

蕭現除太常博士制

杜濛除太常博士制

馬曙除右庶子王固除太僕少卿王球

除太府少卿等制

李叔玫除太僕卿高証除均州刺史葛

分除施州刺史等制

李珣贈司空制

歸融贈左僕射制

令狐定贈禮部尚書制

第十八

李訥除浙東觀察使兼御史大夫制

盧搏除廬州刺史等制

李文舉除睦州刺史制

竇弘餘加官依前台州刺史蘇莊除鄧

州刺史等制

李暨除絳州刺史魏中庸除亳州刺史

曹慶除威遠營使等制

李誠元除朔州刺史制

薛遠除秦州刺史制

田克加檢校國子祭酒依前宥州刺史

制

薛宗除鄧州任如愚除信州虞藏玘除

邛州刺史等制

鄭液除通州刺史李蒙除陳州刺史等

制

王晏實除齊州吳初本巴州陳佺渝州

刺史等制

郭瓊除渠州郭宗元除興州等刺史王

康除建陵臺令等制

吳從蓬州賈師由除瓊州蕭蕃除羅州

刺史制

裴闕除温州刺史伊實除獻陵臺令等

制

陸紹除信州刺史封載除遂州刺史鄭

宗道南鄭縣令等制

張德翁除歸州刺史李承訓除福昌縣

令盧審矩除陽翟縣令等制

王樟除雅州刺史郭鎔除右諭德等制

傅孟恭除威州刺史宣敏加祭酒兼御

史依前宣歙道兵馬使知防秋事等

制

姚克柔除鳳州刺史韋承鼎除櫟陽縣

令王仲連贊善大夫等制

朱載言除循州刺史袁循除渭南縣令

張公及除獻陵令韋幼章除京兆府

倉曹等制

支某除鄆王傅盧賓除融州刺史趙全

素除福陵令等制

鄭陵除大理少卿致仕制

第十九

王釗除皇城留守制

王知信除左衛將軍史寰除右監門縣

將軍等制

張直方授左驍衛將軍制

朱叔明授右武衛大將軍制

梁榮幹除檢校國子祭酒兼右神策軍

將軍制

呂衛除左衛將軍李銖右威衛將軍令

狐朗除滑州別駕等制

張幼彰程脩已除諸衛將軍翰林待詔

等制

一品孫李明遠授左千牛備身等制

李鄴除檢校刑部員外郎充益鐵嶺南
留後鄭蕃除義武軍推官等制

韋宗立授檢校倉部員外郎知鹽鐵廬
壽院等制

房次玄除檢校員外郎充度支靈鹽供
軍使等制

李知讓加御史中丞依前邠州刺史韋
瓊加侍御史充振武軍掌書記等制

崔彥曾除山南西道副使李詵山東道
推官楊元汶京兆府法曹等制

李承慶除鳳翔節度副使馮軒除義成
軍推官等制

夏侯曠除忠武軍節度副使薛途除涇
陽尉充集賢校理等制

蕭孜除著作佐郎裴祐之陝府巡官崔
滔櫟陽縣尉集賢校理等制

楊知退除鄆州判官薛廷望除美原尉
直弘文館制

白從道除東渭橋巡官陶祥福建支使
劉蛻壽州巡官等制

盧籍除河東副使李推賢殿中丞高湜

除湖南推官薛延傑桂管支使等制

鄭碣除江西判官李仁範除東川推官

裴處餘除山南東道推官處士陳威

除西川安撫巡官等制

裴詒除監察御史裏行桂管支使等制

石賀除義武軍書記崔洵除東川推官

等制

顧湘除涇原營田判官夏侯覺除鹽鐵

巡官等制

趙元方除戶部和糴巡官陳洙除長安

縣尉王巖除右金吾使判官等制

韋承鼎除左贊善大夫韋諝除尚食奉

御柳謙除壽安縣令韋選除義昌軍

推官錢琦除滄景支使等制

康從固除翼王府司馬等制

張正度除汾州別駕等制

馬迥除蜀州別駕等制

第二十

高駢除祭酒兼侍御史依前充右神策

軍兵馬使制

忠武軍都押衙檢校太子賓客王仲立
等加官制

右神策軍押衙檢校太子賓客尚漢美
叙勲制

右神龍軍大將軍劉誠信等三十三人
叙階制

柳師立除衢州長史知夏州進奏等制
賴師貞除懷州長史周少鄴除虢州司

馬主桂除道州長史等制

景思齊等授官知宣武軍進奏制

馮少端等湖南軍將授官制

武官授折衝果毅等制

張直方貶恩州司戶制

王著貶端州司戶制

李玘貶撫州司馬制

姜閱貶岳州司馬制

武易簡量移梧州司馬制

王元宥除神策軍護軍中尉制

周元植除鳳翔監軍制

朱能裕除景陵判官制

劉全禮等七人並除內侍省府局丞登

同正等制

宋叔康妻封邑號制

吐突士曄妻封邑號制

新羅王子金元弘等授太常寺少卿監

丞簿等制

西州迴鶻授驍衛大將軍制

沙州專使押衙錢安正等二十九人授

官制

燉煌郡僧正慧苑除臨壇大德制

契丹賀正使大首領等授官制

黔中道朝賀 牂大酋長等十六人

官制

黔中道朝賀訓州昆明等十三人授官

制

樊川文集總目

樊川文集第一

中書舍人杜牧字牧之

阿房宮賦

六王畢四海一蜀山兀阿房出覆壓三百餘里
 隔離天日驪山北構而西折直走咸陽二川溶
 溶流入宮牆五步一樓十步一閣廊腰縵_旦迴
 簷牙高啄各抱地勢鉤心鬪角盤盤焉囷囷焉
 蜂房水渦_切矗不知乎幾千萬落長橋卧波未
 雲何龍復道行空不霽何虹高低冥迷不知東
 西歌臺暖響春光融融舞殿冷袖風雨淒淒一



日之內一宮之間而氣候不齊妃嬪媵嬙王子
皇孫辭樓下殿輦來于秦朝歌夜絃爲秦宮人
明星熒熒開粧鏡也綠雲擾擾梳曉鬟也渭流
漲臆棄脂水也煙斜霧橫焚椒蘭也雷霆乍驚
宮車迴也輾輾遠聽杳不知其所之也一肌一
容盡態極妍縵立遠視而望幸焉有不見者三
十六年燕趙之收藏韓魏之經營齊楚之精英
幾世幾年標掠其人倚疊如山一旦有不能輸
來其間鼎鑄玉石金塊珠礫棄擲灑迤秦人視
之亦不甚惜嗟乎一人之心千萬人之心也秦

愛紛奢人亦念其家奈何取之盡鎔銖用之如
泥沙使負棟之柱多於南畝之農夫架梁之椽
多於機上之工女釘頭磷磷多於在庾之粟粒
瓦縫參差多於周身之帛縷直欄橫檻多於九
土之城郭管絃嘔啞多於市人之言語使天下
之人不敢言而敢怒獨夫之心日益驕固戍卒
叫函谷舉楚人一炬可憐焦土滅六國者六國
也非秦也族秦者秦也非天下也嗟乎使六國
各愛其人則足以拒秦使秦復愛六國之人則
迨三世可至萬世而爲君誰得而族滅也秦人

不暇自哀而後人哀之後人哀之而不鑑之亦使後人而復哀後人也

望故園賦

余固秦人兮故園秦地念歸途之幾里訴余心之未歸兮雖繫日而安至既操心之大謬欲當時之奏技技固薄兮豈易售矧將來之歲幾人固有尚珠金印節人固有為背憎面悅擊短扶長曲邀橫結吐片言兮千口莫窮觸一機而百關俱發嗟小人之顛蒙兮尚何念於逸越余之思歸兮走杜陵之西道巖曲天深地平木老隴

雲秦樹風高霜早周臺漢園斜陽暮草寂寥四望蜀峯聯嶂葱龍氣佳蟠聯地壯繚粉堞於綺城矗未央於天上月出東山苔扉向關長煙蕪惹寒水注灣遠林雞犬兮樵夫夕還織有桑兮耕有土昆令季強兮鄉黨附悵余心兮捨茲而何去憂豈無念念至謂何憤愠悽悄顧我則多萬世在上兮百亡居後中有一生兮孰為壽天生既不足以紉佩兮顧他務之纖小賦言歸兮余之忘世徒為兮紛擾

晚晴賦 并序

川三
李一
三
林
秋日晚晴樊川子目于郊園見大者小者有狀
類者故書賦云

雨晴秋容新沐兮忻逸園而細履面平池之清
空兮紫閣青橫遠來照水如高堂之上見羅幕
兮垂乎鏡裏木勢黨伍兮行戶郎者如迎偃者
如醉高者如達低者如跛松數十株切切交風
如冠劔大臣國有急難庭立而議竹林外裏兮十
萬丈夫甲刃縱縱慕密陣而環侍豈負軍令之
不敢囂兮何意氣之嚴毅復引舟于深灣忽八
九之紅芰姹然如婦鍛然如女墮葉黧於顏似

見放棄白鷺潛來兮邈風標之公子窺此美人
兮如慕悅其容媚雜花參差於岸側兮絳綠黃
紫格頑色賤兮或妾或婢間草甚多叢者束兮
靡者杳兮仰風獵日如立如笑兮千千萬萬之
狀容兮不可得而狀也若予者則爲何如倒冠
落珮兮與世闊踈敖敖休休兮真徇其愚而隱
居者乎

感懷詩一首

時滄州用兵

高文會隋季提劔徇天意扶持萬代人步驟三
皇地聖云繼之神神仍用文治德澤酌生靈沉

酣薰骨髓旄頭騎箕尾風塵薊門起胡兵殺漢
兵屍滿咸陽市宣皇走豪傑譚笑開中否蟠聯
兩河間燼萌終不弭號為精兵處齊蔡燕趙魏
合環千里疆爭為一家事逆子嫁虜孫西隣聘
東里急熱同手足唱和如宮徵法制自作為禮
文爭僭擬墜階螭鬪角畫屋龍交尾署紙日替
名分財賞稱賜剗隍呼怙萬尋繚垣疊千雉誓
將付孱孫血絕然方已九廟伏神靈四海為輸
委如何七十年汗施含羞耻韓彭不再生英衛
皆為鬼凶門爪牙輩穰穰如兒戲累聖但日吁

閩外將誰寄屯田數十萬隄防常惴急征赴
軍須厚賦資凶器因隳畫一法且逐隨時利流
品極蒙尢網羅漸離弛夷狄口開張黎元愈焦
悴邈矣遠太平蕭然盡煩費至于貞元末風流
恣綺靡艱極泰循來元和聖天子元和聖天子
英明湯武上茅茨覆宮殿封章綻帷帳伍旅拔
雄兒夢卜庸真相勃雲走轟霆河南一平盪繼
于長慶初燕趙終昇榼攜妻負子來北闕爭頓
顙故老撫兒孫尔生今有望茹鯁喉尚隘負重
力未壯坐幄無奇兵吞舟漏踈網骨添薊垣沙

血漲嘖淹浪祗云徒有征安能問無狀一日五
諸侯奔亡如鳥往取之難梯天失之易反掌蒼
然太行路翦翦還榛莽關西賤男子誓肉虜枉
羨請數係虜事誰其為我聽蕩蕩乾坤大曠曠
日月明叱起文武業可以豁洪溟安得封域內
長有扈苗征七十里百里彼亦何常爭往往念
所至得醉愁蘇醒韜舌辱壯心叫闥無助聲聊
書感懷韻焚之遺賈生

杜秋娘詩 并序

杜秋金陵女也年十五為李錡妾後錡叛滅籍

之入宮有寵於景陵穆宗即位命秋為皇子傅
姆皇子壯封漳王鄭注用事誣丞相欲去已者
指王為根王被罪廢削秋因賜歸故鄉予過金
陵感其窮且老為之賦詩

京江水清滑生女白如脂其間杜秋者不勞朱

粉施老鼻即山鑄後庭千雙眉秋持玉筍醉與

唱金縷衣勸君莫惜金縷衣勸君須惜少年時花開
堪折直須折莫待無花空折枝李錡長唱此辭淠既白首

叛秋亦紅淚滋吳江落日渡灞岸綠楊垂聯裾

見天子盼普切眇莫見切獨依依椒壁懸錦幕鏡奩蟠蛟

螭低鬟認新寵窈窕復融怡月上白壁門桂影

涼參差金階露新重閑捻紫蕭吹晉書盜開涼州張駿塚得紫玉
簫萸苔夾城路南苑鴈初飛紅粉羽林仗獨賜
辟邪旗歸來煮豹胎饜飶不能飽咸池昇日慶
銅雀分香悲雷音後車遠事往落花時燕謀得
皇子壯髮綠綉綉畫堂授傅姆天人親捧持虎
睛珠絡襟金盤犀鎮帷長楊射熊羆武帳弄啞
吟漸拋竹馬劇稍出舞雞奇嶄嶄整冠珮侍宴
坐瑤池眉宇儼圖畫神秀射朝輝一尺桐偶人
江充知自欺王幽茅土削秋放故鄉歸觚稜拂
斗極迴首尚遲遲四朝三十載似夢復疑非潼

關識舊吏吏髮已如絲却喚吳江渡舟人那得
知歸來四隣改茂苑草菲菲清血灑不盡仰天
知問誰寒衣一疋素夜借隣人機我昨金陵過
聞之爲歔歔自古皆一貫變化安能推夏姬滅
兩國逃作巫臣姬西子下姑蘇一舸逐鴟夷織
室魏豹俘作漢太平基悞置代藉中兩朝尊母
儀光武紹高祖本係生唐兒珊瑚破高齊作婢
春黃糜蕭后去揚州突厥爲閼氏女子固不定
士林亦難期射鉤後呼父鈞翁王者師無國要
孟子有人毀仲尼秦因逐客令柄歸丞相斯安

川三
樊一
知魏齊首見斷簣中屍給喪蹙張輩廊廟冠我
危珥貂七葉貴何妨我虜支蘇武却生返鄧通
終死饑主張既難測翻覆亦其宜地盡有何物
天外復何之指何爲而捉足何爲而馳耳何爲
而聽目何爲而窺己身不自曉此外何思惟因
傾一樽酒題作杜秋詩愁來獨長詠聊可以自
貽

郡齋獨酌

黃州作

前年鬢生雪今年鬚帶霜時節序鱗次古今同
鴈行甘英窮西海四萬到洛陽東南我所見北

可計幽荒中畫一萬國角角碁布方地頑壓不
穴天迴老不僵屈指百萬世過如霹靂忙人生
落其內何者爲彭殤促束自繫縛儒衣寬且長
旗亭雪中過敢問當壚娘我愛李侍中標標七
尺強白羽八扎弓脰壓綠檀槍風前略橫陣紫
髯分兩傍淮西萬虎士怒目不敢當功成賜宴
麟德殿援超鶻掠廣毬場三千宮女側頭看相
排踏碎雙明璫旌竿慄慄旗燿燿意氣橫鞭歸
故鄉我愛朱處士三吳當中央罷亞稻名百頃稻
西風吹半黃尚可活鄉里豈唯滿困倉後嶺翠

川上名
撲撲前溪碧泱泱霧曉起鳧鴈日晚下牛羊叔
舅欲飲我杜甕爾來嘗伯埶子欲歸彼亦有壺
漿西阡下柳塢東陌繞荷塘姻親骨肉舍煙火
遙相望太守政如水長官貪似狼征輸一云畢
任爾自存亡我昔造其室羽儀鸞鶴翔交橫碧
流上竹映琴書牀出語無近俗堯舜禹武湯問
今天子少誰人爲棟梁我曰天子聖晉公提紀
綱聯兵數十萬附海正誅滄謂言大義小不義
取易卷席如探囊犀甲吳兵鬪弓弩虵矛燕騎
馳鋒鏖豈知三載几百戰鉤車不得望其牆荅

云此山外有事同胡羗誰將國伐叛話與釣魚
郎溪南重迴首一逕出脩篁爾來十三歲斯人
未曾忘徃徃自撫已淚下神蒼茫御史詔分洛
舉趾何猖狂闕下諫官業拜䟽無文章尋僧解
幽夢乞酒緩愁腸豈爲妻子計未去山林歲平
生五色線願補舜衣裳絃歌教燕趙蘭芷浴河
湟腥膻一掃灑兇狼皆披攘生人但眠食壽域
富農桑孤吟志在此自亦笑荒唐江郡雨初霽
刀好截秋光池邊成獨酌擁鼻菊枝香醺酣更
唱太平曲仁聖天子壽無疆

授秋碧空
收真蹟按

張好好詩并序

牧大和三年佐故吏部沈公江西幕好好年十
三始以善歌來樂籍中後一歲公移鎮宣城復
置好好於宣城籍中後二歲為沈著作述師以
雙鬟納之後二歲於洛陽東城重覩好好感舊
傷懷故題詩贈之

君為豫章姝十三纔有餘翠茁鳳生尾丹葉蓮
含跗高閣倚天半章江聯碧虛此地試君唱特
使華筵鋪主公顧四座始訝來踟躕吳娃起引
贊佢徊映長裾雙鬟可高下纔過青羅襦盼盼

紐

乍垂袖一聲離鳳呼繁絃迸闋細塞管裂圓盧
衆音不能逐裊裊穿雲衢主公再三嘆謂言天
下殊贈之天馬錦副以水犀梳龍沙看秋浪明
月遊東湖自此每相見三日已為踈玉質隨月
滿艷態逐春舒絳脣漸輕巧雲步轉虛徐旌旆
忽東下笙歌隨舳艫霜凋謝樓樹沙暖句溪蒲
身外任塵土罇前極懽娛飄然集仙客著作當任
集賢校理諷
賦欺相如聘之碧瑤珮載以紫雲車洞閉水聲
遠月高蟾影孤爾來未幾歲散盡高陽徒洛城
重相見焯焯為當壚惟我苦何事少年垂白鬚

朋遊今在否落拓更能無門館慟哭後水雲秋
景初斜日掛衰柳涼風生座隅灑盡滿衿淚短
歌聊一書

冬至日寄小姪阿宜詩

小姪名阿宜未得三尺長頭圓筋骨緊兩臉明
且光去年學官人竹馬遶四廊指揮群兒輩意
氣何堅剛今年始讀書下口三五行隨兄旦夕
去斂手整衣裳去歲冬至日拜我立我旁祝爾
願爾貴仍且壽命長今年我江外今日生一陽
憶爾不可見祝爾傾一觴陽德比君子初生甚

微茫排陰出九地萬物隨開張一似小兒學日
就復月將勤勤不自已二十能文章仕宦至公
相致君作堯湯我家公相家劔珮嘗丁當舊第
開朱門長安城中央第中無一物萬卷書滿堂
家集二百編上下馳皇王多是撫州寫今來五
紀強尚可與爾讀助爾為賢良經書刮根本史
書閱興亡高摘屈宋艷濃薰班馬香李杜泛浩
浩韓柳摩蒼蒼近者四君子與古爭強梁願爾
一祝後讀書日日忙一日讀十紙一月讀一箱
朝廷用文治大開官職場願爾出門去取官如

刊百五 一 十一 古
駘羊吾兄苦好古學問不可量晝居府中治夜
歸書滿牀後貴有金玉必不為汝藏崔昭生崔
芸李兼生窟郎堆錢一百屋破散何披猖今雖
未即死餓凍幾欲僵叅軍與縣尉塵土驚動
勳穰一語不中治笞箠身滿瘡官罷得絲髮好
買百樹桑稅錢未輸足得米不敢嘗願爾聞我
語懽喜入心腸大明帝宮闕杜曲我池塘我若
自潦倒看汝爭翱翔惚語諸小道此詩不可忘

李甘詩

大和八九年訓注極虓虎潛身九地底轉上青

天去四海鏡清澄千官雲片縷公私各閑暇追
遊日相伍豈知禍亂根枝葉潛滋莽九年夏四
月天誠若言語烈風駕地震犇雷駘猛雨夜於
正殿階拔去千年樹吾君不省覺二凶日威武
操持北斗柄開閉天門路森森明庭士縮縮循
牆鼠平生負名節一旦如奴虜指名為錮黨狀
跡誰告訴喜無李杜誅敢憚髡鉗苦時當秋夜
月日直日庚午喧喧皆傳言明晨相登注予時
與和鼎官班各持斧和鼎頽予云我死有處所
當庭裂詔書退立須鼎俎君門曉日開赭案橫

四百五十四
李一
霞布儼雅千官容勃鬱吾纍怒適屬命麟將耽
昨之傳者誤明日詔書下謫斥南荒去夜登青
泥坂墜車傷左股病妻尚在牀稚子初離乳幽
蘭思楚澤恨水啼湘渚怳怳三閭魂悠悠一千
古其冬三兇敗渙汗開湯罟賢者須喪亡讒人
尚堆堵予於後四年諫官事明主常欲雪幽冤
於時一禪補拜章豈艱難膽薄多憂懼如何干
斗氣竟作炎荒土題此涕滋筆以代投湘賦

洛中送冀處士東遊

處士有儒術走可挾車輶壇宇寬帖帖符彩高

首首不愛事耕稼不樂干王侯四十餘年中超
超爲浪遊元和五六歲客于幽魏州幽魏多壯
士意氣相淹留劉濟願跪履田興請建籌處士
拱兩手笑之但掉頭自此南走越尋山入羅浮
願學不死藥粗知其來由却於童頂上蕭蕭立
髮抽我作八品吏洛中如繫囚忽遭冀處士豁
若登高樓拂榻與之坐十日語不休論今星璨
璨考古寒颼颼治亂掘根本蔓延去聲相牽鈎武
事何駿壯文理何優柔顏回捧俎豆項羽橫戈
矛祥雲繞毛髮高浪開咽喉但可感鬼神安能

爲獻酌好入天子夢刻像來爾求胡爲去吳會
欲浮滄海舟贈以蜀馬箠副之胡蜀裘餞酒載
三斗東郊黃葉稠我感有淚下君唱高歌酌蒿
山高萬尺洛水流千秋往事不可問天地空悠
悠四百年炎漢三十代宗周二三里遺堵八九
所高丘人生一世內何必多悲愁譎闕解携去
信非吾輩流

送沈處士赴蘇州李中丞招以詩贈行

山城樹葉紅下有碧溪水溪橋向吳路酒旗誇
酒美下馬此送君高譎爲君醉念君苞材能百

工在城壘空山三十年鹿裘挂牕睡自言隴西
公飄然我知己舉酒屬吳門今朝爲君起懸弓
三百斤囊書數萬紙戰賊即戰賊爲吏即爲吏
盡我所有無惟公之指使予曰隴西公滔滔大
君子常思掄群材一爲國家治譬如匠見木礙
眼皆不棄大者簾十圍小者細一指擗先結切檝與
棟梁施之皆有位忽然豎明堂一揮立能致予
亦何爲者亦受公恩紀處士常有言殘虜爲犬
豕常恨兩手空不得一馬箠今依隴西公如虎
傅兩翅公非刺史材當坐巖廊地處士魁竒姿

必展平生志東吳饒風光翠巘多名寺踈煙疊
疊秋獨酌平生思因書問故人能忘批紙尾公
或憶姓名爲說都憔悴

長安送友人遊湖南

子性劇弘和愚衷深褊猶相捨囂諂中吾過何
由鮮楚南饒風煙湘岸苦縈宛山密夕陽多人
稀芳草遠青梅繁枝佷班筍新梢短莫哭葬魚
人酒醒且眠飯

皇風

仁聖天子神且武內興文教外披懷以德化人

漢文帝側身脩道周宣王_音遠剛蹊巢穴盡空塞
禮樂刑政皆弛張何當提筆待巡狩前駢白旆
弔河湟

雪中書懷

臘雪一尺厚雲凍寒頑癡孤城大澤畔人踈煙
火微憤悱欲誰語憂愠不能持天子號仁聖任
賢如事師允稱曰治具小大無不施明庭開廣
敞才雋受羈維如日月緝公曾昇若鸞鳳歲蕤人
才自朽下棄去亦其宜北虜壞亭障聞屯千里
師牽連父不解他盜恐旁窺臣實有長策彼可

徐鞭笞如蒙一召議食肉寢其皮斯乃廟堂事
爾微非爾知向來躡等語長作陷身機行當臘
欲破酒齊鞮不可遲且想春候暖甕間傾一卮

雨中作

賤子本幽慵多為雋賢侮得州荒僻中更值連
江雨一褐擁秋寒小牕侵竹塢濁醪氣色嚴
腹瓶甕古酣酣天地寬怳怳秘劉伍但為適性
情豈是藏鱗羽一世一萬朝朝朝醉中去

偶遊石盃僧舍宣州作

敬岑草浮光句吐水解脉益鬱乍怡融凝嚴忽

頽坼梅類暖眠酣風緒和無力鳧浴漲汪汪雛
嬌村冪冪落日美樓臺輕烟飾阡陌澱綠古津
遠積潤苔基釋孰謂漢陵人來作江汀客載筆
念無能捧籌慙所畫任轡偶追閑逢幽果遭適
僧語淡如雲塵事繁堪織今古幾輩人而我何
能息

赴京初入汴口曉景即事先寄兵部李

郎中

清淮控隋漕北走長安道檣形榔榔斜浪態迤
迤徒何反好初旭紅可染明河澹如掃澤闊鳥來

遲村饑人語早露蔓蟲絲多風蒲燕鷁老秋思
高蕭蕭客愁長裊裊因懷京洛間官遊何戚草
什伍持津梁瀕湧爭追討聲詎可尋幾秘
安能考小人乏馨香上下將何禱唯有君子心
顯豁知幽抱

獨酌

長空碧杳杳萬古一飛鳥生前酒伴閑愁醉閑
多少烟深隋家寺殷葉暗相照獨佩一壺遊秋
豪泰山小

惜春

春半年已除其餘強為有即此醉殘花便同嘗
臘酒悵望送春盃殷勤掃花帚誰為駐東流年
年長在手

題安州浮雲寺樓寄湖州張郎中

去夏踈雨餘同倚朱欄語當時樓下水今日到
何處恨如春草多事與孤鴻去楚岸柳何窮別
愁紛若絮

過驪山作

始皇東遊出周鼎劉項縱觀皆引頸削平天下
實辛勤却為道旁窮百姓黔首不愚爾益愚千

川文川
夢一
里函關囚獨夫牧童火入九泉底燒作灰時猶未拈

池州送孟遲先輩

昔子來陵陽時當苦炎熱我雖在金臺頭角長
垂折奉披塵意驚立語平生豁寺樓寂騫軒坐
送飛鳥沒一罇中夜酒半破前峯月煙院松飄
蕭風廊竹交憂時步郭西南繚徑苔圓折好鳥
響丁丁小溪光泱泱音切籬落見娉婷梳絲弄啞
軋煙濕樹姿嬌雨餘山態活仲秋往歷陽同上
牛礪歇大江吞天去一練橫坤抹千帆美滿風

曉日殷鮮血歷陽裴太守襟韻苦超越鞞鼓盡
麒麟看君擊狂節離袖颭應勞恨粉啼還咽明
年忝諫官綠樹秦川濶子提健筆來勢若夸父
渴九衢林馬搗千門織車轍秦堊破心膽黥陣
驚毛髮子既屈一鳴余固宜三別慵憂長者來
病怯長街喝僧爐風雪夜相對眠一褐暖灰重
擁瓶曉粥還分鉢青雲馬生角黃州使持節秦
嶺望樊川祗得迴頭別商山四皓祠心與檇蒲
說大澤無葭風孤城孤兔窟且復考詩書無因
見簪笏古訕屹如山古風冷刮骨周鼎列瓶罌

荆壁橫拋掇蘇切力盡不可取忽忽狂歌發三
年未爲苦兩郡非不達秋浦倚吳江去檝飛青
鷗溪山好畫圖洞壑深閨闥竹岡森羽林花塢
團宮纈景物非不佳獨坐如韝緹丹鵲東飛來
喃喃送君扎呼兒旋去聲供衫走門空踏襪手把一
枝物桂花香帶雪喜極至無言笑餘翻不悅人
生直作百歲翁亦是萬古一瞬中我欲東召龍
伯翁上天揭取北斗柄蓬萊頂上幹海水水盡
到底看海空月於何處去日於何處來跳丸相趁
走不住堯舜禹湯文武周孔皆爲灰酌此一杯

酒興君狂且謔離別豈足更關意衰老相隨可
奈何

重送

手撚金僕姑腰懸玉轆轤音頭峯北正好去
係取可汗鉗作奴六宮雖念相如賦其那防邊
重武夫

題池州弄水亭

弄水亭前溪颭滉翠綃舞綺席草芊芊紫嵐峯
伍伍螭蟠得形勢翬飛如軒戶一鏡奩曲堤萬
九跳猛雨檻前燕鴈栖枕上巴帆去叢筠侍脩

廊密蕙媚幽圃杉樹碧爲幢花駢紅作堵停樽
遲去聲晚月咽咽上幽渚客舟耿孤燈萬里人夜
語漫流習苔槎饑鳧曬雪羽玄絲落鈎餌冰鱗
看吞吐斷霓天帔垂狂燒漢旗怒曠朗半秋曉
蕭瑟好風露光索疑可攬欲以襟懷貯幽抱吟
九歌羈情思湘浦四時皆異狀終日爲良遇小
山浸石稜撐舟入幽處孤譔倚桂巖晚酒眠松
塢紆餘帶竹村蠶鄉足砧杵墜泉落環珮畦苗
差纂組風俗知所尚豪強耻孤侮隣喪不相舂
公租無諾負農時貴伏臘簪瑱事禮賂鄉校富

華禮征行產強弩不能自勉去但媿來何暮故
園漢上林信美非吾土

題宣州開元寺寺置於東晉時

南朝謝眺城東吳冢深處亡國去如鴻遺寺藏
煙塢樓飛九十尺廊環四百柱高高下下中風
繞松桂樹青苔照朱閣白鳥兩相語溪聲入僧
夢月色暉粉堵閱景無旦夕憑欄有今古留我
酒一罇前山看春雨

大雨行開成三年宣州開元寺作

東垠黑風駕海水海底卷上天中央三吳六月

三百九
忽悽慘晚後點滴來蒼茫錚棧雷車軸轍壯矯
躩蛟龍爪尾長神鞭鬼馭載陰帝來往噴灑何
顛狂四面崩騰玉京仗萬里橫牙羽林搶雲纏
風束亂敲磕黃帝未勝蚩尤強百川氣勢苦豪
俊坤閔密鎖愁開張大和六年亦如此我時壯
氣神洋洋東樓聳首看不足恨無羽翼高飛翔
盡召邑中豪健者闊展朱盤開酒場奔觥槌鼓
助聲勢眼底不顧纖罽娘今年鬪茸鬢已白竒
遊壯觀唯深藏景物不盡人自老誰知前事堪
悲傷

自宣州赴官入京路逢裴坦判官歸宣

州因題贈

敬亭山下百頃竹中有詩人小謝城城高跨樓
滿金碧下聽一溪寒水聲梅花落徑香繚繞雪
白玉璫花下行縈風酒旆桂朱閣半醉遊人聞
弄笙我初到此未三十頭腦鈿利筋骨輕畫堂
檀板秋拍碎一引有時聯十觥老閑罽下丈二
組塵士高懸千載名重遊鬢白事皆改唯見東
流眷水平對酒不敢起逢君還眼明雲蟲看人
捧波臉任他橫一醉六十日古來聞阮生是非

離別際始見醉中情今日送君話前事高詞
引劍還一傾江湖酒伴如相問終老煙波不計程

贈宣州元處士

陵陽北郭隱身世兩忘者蓬蒿三畝居寬於一
天下罇酒對不酌默與玄相話人生自不足愛
嘆遭逢寡

村行

春半南陽西禾桑過村塢娉娉垂柳風點點迴
塘雨菱唱牧牛兒籬窺舊裙女半濕解征衫主
人饋雞黍

史將軍二首

長鉦周都尉閑如秋嶺雲取磬弧登壘以駢隣
翼軍百戰百勝價河南河北聞今遇太平日老
去誰憐君 壯氣蓋燕趙耿耿傑人寧弧五百
步長戟八十斤河湟非內地安史有遺塵何日
武臺坐兵符授虎臣

樊川文集第一

樊川文集第二

中書舍人杜牧字牧之

華清宮三十韻

繡嶺明珠殿層巒下
 繚牆仰窺雕檻影猶想赭
 袍光昔帝登封後中原自古強
 一千年際會三
 萬里農桑几席延堯舜軒墀立禹湯
 雷霆馳號
 令星斗煥文章釣築乘時用芝蘭在處芳
 北扉
 閑木索南面富循良至道思玄圃
 平居厭未央
 鈎陳裏巖谷文陛壓青蒼歌吹千秋節
 樓臺入
 月涼神仙高縹緲環珮碎丁當
 泉暖涵惚鏡雲

三百六十一
卷二
王山
嬌惹粉囊嫩嵐滋翠葆清渭照紅粧帖秦生靈
壽懽娛歲序長月聞仙曲調霓作舞衣裳雨露
偏金穴乾坤入醉鄉玩兵師漢武迴手倒干將
鯨鬣掀東海胡牙揭上陽喧呼馬嵬血零落羽
林槍傾國留無路還魂怨有香蜀峯橫慘澹秦
樹遠微茫鼎重山難轉天扶業更昌望賢餘故
老花萼舊池塘往事人誰問幽襟淚獨傷碧簷
斜送日殷葉半凋霜迸水傾瑤砌踈風罅玉房
塵埃羯鼓索片段荔枝筐鳥啄摧寒木蝸涎蠹
盡梁孤煙知客恨遙起秦陵傍

長安雜題長句六首

觚稜金碧照山高萬國珪璋捧赭袍舐筆和鉛
欺賈馬讚功論道鄙蕭曹東南樓日珠簾卷西
北天宛玉厄豪詩曰儻革金厄蓋小環四海一家無一事將軍
攜鏡泣霜毛

晴雲似絮惹低空紫陌微微弄袖風韓嫣金丸
莎覆綠許公韉汗杏粘紅煙生窈窕深東第輪
撼流蘇下北宮自笑苦無樓護智可憐鈿槩竟
何功

雨晴九陌鋪江練嵐嫩千峯疊海濤南苑草芳

眠錦雉夾城雲暖下霓旄少年羈絡青紋玉遊
女花簪紫蒂桃江碧柳深人盡醉一瓢顏巷日
空高

束帶謬趨文石陛有章曾拜皂囊封期嚴無奈
睡留癖勢窘猶為酒泥慵偷釣侯家池上雨醉
吟隋寺日沉鐘九原可作吾誰與師友瑯琊那
曼容

洪河清渭天池濬太白終南地軸橫祥雲輝映
漢宮紫春光繡畫秦川明草妬佳人鈿朶色風
迴公子玉銜聲六飛南幸芙蓉苑十里飄香入

夾城

豐貂長組金張輩駟馬文衣許史家白鹿原頭
迴獵騎紫雲樓下醉江花九重樹影連清漢萬
壽山光學翠華誰識大君謙讓德聖上不
受徽號一毫名
利闔毒墓

河湟

元載相公會借著憲宗皇帝亦留神旋見衣冠
就東市忽遺弓劍不西巡牧羊駘馬雖戎服白
髮丹心盡漢臣唯有涼州歌舞曲流傳天下樂閑人
許七侍御棄官東歸瀟灑江南頗聞自

適高秋企望題詩寄贈十韻

天子繡衣吏東吳美退居有園同庾信避事學
相如蘭畹晴香嫩筠溪翠影踈江山九秋後風
月六朝餘錦肆開詩軸青囊結道書霜巖紅薜
荔露沼白芙蓉睡雨高梧密棊燈小閣虛凍醪
元亮秫寒鱸季鷹魚塵意迷今古雲情識卷舒
他年雪中棹陽羨訪吾廬於義興縣近有水榭

李給事二首

一章緘拜皂囊中慄慄朝廷有古風元禮去歸
侯氏學李膺退罷歸侯氏教授生徒給事論鄭注告滿歸潁陽江充來見犬臺宮

鄭注對於浴室紛紛白晝驚千古鈇鑕朱殷幾一空曲突
徙薪人不會海邊今作釣魚翁

晚髮悶還梳憶君秋醉餘可憐劉校尉曾訟石
中書給事因忤仇軍容棄官東歸消長雖殊事仁賢每見如因看

魯褒論何處是吾廬

題永崇西平王宅太尉翹院六韻

天下無雙將關西第一雄授符黃石老學劒白
猿翁矯矯雲長勇恂恂郟穀風家呼小太尉國
號大梁公太尉季弟司徒德亦封梁國公半夜龍驤去中原虎穴空
隴山兵十萬嗣子握琯弓今鳳翔李尚書太尉長子

東兵長句十韻
上黨爭爲天下脊邯鄲四十萬秦坑狂童何者
欲專地聖主無私豈翫兵玄象森羅搖北落詩
人章句詠東征雄如馬武皆彈劔少似終軍亦
請纓屈指廟堂無失策垂衣堯舜待昇平羽林
東下雷霆怒楚甲南來組練明即墨龍文光煦
曜常山虵陣勢縱橫落鵬都尉萬人敵黑稍將
軍一鳥輕漸見長圍雲欲合可憐窮壘帶猶縈
凱歌應是新年唱便逐春風浩浩聲

過勤政樓

千秋佳節名空在承露絲囊世已無唯有紫苔
偏稱意年年因雨上金鋪

題魏文貞

蟪蛄寧與雪霜期賢哲難教俗士知可憐貞觀
太平後天且不留封德彝

早春閣下寓直蕭九舍人亦直內署因
寄書懷四韻

御水初銷凍宮花尚怯寒千峯橫紫翠雙闕凭
欄干玉漏輕風順金莖淡日殘王喬在何處清
漢正驂鸞

秋晚與沈十七舍人期遊樊川不至
邀侶以官解泛然成獨遊川光初媚日山色正
矜秋野竹踈還密巖泉咽復流杜村連滴水晚
步見垂鉤

念昔遊

十載飄然繩檢外罇前自獻自為酬秋山春雨
閑吟處倚遍江南寺寺樓

雲門寺越州外逢猛雨林黑山高雨脚長曾奉郊

宮為近侍分明攬攬先勇切羽林槍

李白題詩水西寺宣州涇縣古木迴巖樓閣風半醒半

醉遊三日紅白花開山雨中

今皇帝陛下詔徵兵不日功集河湟
諸郡次第歸降臣獲覩聖功輒獻歌詠
捷書皆應睿謀期十萬曾無一鏃遺漢武慚誇
朔方地宣王休道太原師威加塞外寒來早恩
入河源凍合遲聽取滿城歌舞曲涼州聲韻喜
參差

奉和白相公聖德和平致茲休運歲終
功就合誅盛明呈上三相公長句四韻
行看臘破好年光萬壽南山對未央點憂可汗

脩職貢文思天子復河湟應須日御西巡守不
假星弧北射狼吉甫裁詩歌盛業一篇江漢美
宣王

過華清宮絕句三首

長安迴望繡成堆山頂千門次第開一騎紅塵
妃子笑無人知是荔枝來

新豐綠樹起黃埃數騎漁陽探使迴帝使中使

禄山反否珍琳受禄霓裳一曲千峯上舞破中

原始下來萬國笙歌醉太平倚天樓殿月分明
雲中亂拍祿山舞風過重巒下笑聲

登樂遊原

長空澹澹孤鳥沒萬古銷沉向此中看取漢家
何似業五陵無樹起秋風

聞慶州趙縱使君與党項戰中箭身死
長句

將軍獨乘鐵驄馬榆溪戰中金僕姑死綏却是
古來有驕將自驚今日無青史文章爭點筆朱
門歌舞笑指驅誰知我亦輕生者不得君王丈

二爰時珠切

送容州中丞赴鎮

川七
交趾同星座龍泉似斗文燒香翠羽帳看舞鬱
金裙鷁首衝瀧浪犀渠拂嶺雲莫教銅柱北空
說馬將軍

夏州崔常侍自少常亞列出領麾幢十
韻

帝命詩書將壇登禮樂卿三邊要高枕萬里得
長城對客猶褒博填門已旆旌腰間五綬貴天
下一家榮野水差新燕芳郊哢夏鷲別風嘶玉
勒殘日望金莖榆塞孤煙媚銀川綠草明戈矛
虓虎士弓箭落鷗兵魏絳言堪採陳湯事偶成

若須垂竹帛靜勝是功名

街西長句

碧池新漲浴嬌鷗分鎖長安富貴家遊騎偶同
人鬪酒名園相倚杏交花銀鞦驪裊嘶宛馬繡
鞅璉瓏走細車一曲將軍何處笛連雲芳樹日
初斜

春申君

烈士思酬國士恩春申誰與快冤冤三千賓客
總珠履欲使何人殺李園

相如死後無詞客延壽亡來絕畫工玉顏不是

黃金少淚滴秋山入壽宮此一首奉陵宮人

讀韓杜集

杜詩韓集愁來讀似倩麻姑癢處抓天外鳳凰誰得髓無人解合續弦膠

春日言懷寄號州李常侍十韻

岸蘚生紅藥巖泉漲碧塘地分蓮嶽秀草接鼎原芳南泝淙音淙江反急風畦芷若香織蓬眠解艤驚夢起鴛鴦論吐開冰室詩陳曝錦張貂簪荆玉潤丹穴鳳毛光子弟新登甲科今日還珠守何年執戟郎且嫌遊晝短莫問積薪場無計披清裁唯

持祝壽觴願公如衛武百歲尚康強

李侍郎於陽羨里富有泉石牧亦於陽

羨粗有薄產叙舊述懷因獻長句四韻
冥鴻不下非無意塞馬歸來是偶然紫綬公卿今放曠白頭郎吏尚留連終南山下拋泉洞陽羨溪中買釣舡欲與明公操履杖頭聞休去是何年

贈李處士長句四韻

玉函怪牒鎖靈篆紫洞香風吹碧桃老翁四目牙爪利擲火萬里精神高靄靄祥雲隨步武纍

川十一
夙秋冢嘆蓬蒿三山朝去應非久姪女當牕繡
羽袍

送國基王逢

王子紋楸一路饒寂宜簷雨竹蕭蕭羸形暗去
春泉長拔勢橫來野火燒守道還如周伏柱塵
兵不羨霍嫖姚得年七十更萬日與子期於局
上銷

重送絕句

絕藝如君天下少閑人似我世間無別後竹牕
風雪夜一燈明暗覆吳圖

少年行

連環羈玉聲光碎綠錦蔽泥虬卷高春風細雨
走馬去珠落璀璀白罽袍

奉和門下相公送西川相公兼領相印
出鎮全蜀詩十八韻

盛業冠伊唐台階翊戴光無私天雨露有截舜
衣裳蜀輟新衡鏡池留舊鳳凰同心真石友寫
恨篋河梁虎騎搖風旆貂冠韻水蒼形弓隨武
庫金印逐文房棧壓嘉陵咽峯橫劔閣長前駟
二星去開險五丁忙迴首崢嶸盡連天草樹芳

丹心懸魏闕往事愴甘棠治化輕諸葛威聲懾
夜郎君平教說卦太子召升堂塞接西山雪橋
維萬里檣奪霞紅錦爛撲地酒爐香忝逐三千
客曾依數仞墻滯頑堪白屋攀附亦周行肉管
伶倫曲簫韶清廟章唱高知和寡小子斐然狂

朱坡

下杜鄉園古泉聲繞舍啼靜思長慘切薄宦與
乖睽北闕千門外南山午谷西倚川紅葉嶺連
寺綠楊堤迥野翹霜鶴澄潭舞錦雞濤驚堆萬
岫舸急轉千溪眉點萱牙嫩風條柳幄迷岸藤

稍虺尾沙渚印麕蹄火燎湘桃塢波光碧繡畦
日痕緝胡官切翠巘陂影墮晴霓蝸壁爛斑蘚銀延
荳蔻泥洞雲生片段苔徑繚高低偃蹇松公老
森嚴竹陣齊小蓮娃欲語幽笋稚相攜漢館留
餘趾周臺接故蹊蟠蛟嶺隱隱班雉草萋萋樹
老蘿紆組巖深石啓閨侵窓紫桂茂拂面翠禽
棲有計冠終挂無才筆謾提自塵何太甚休笑
觸藩羝

早春寄岳州李使君李善棊愛酒倩地

閑雅

城高倚峭巘地勝足樓臺朔漠暖鴻去瀟湘春
水來縈盈幾多思掩抑若為裁返照三聲角寒
香一樹梅烏林芳草遠赤壁健帆開往事空遺
恨東流豈不迴分符潁川政弔屈洛陽才拂匣
調珠柱磨鈇勘玉杯棊翻小窟勢壚撥凍醪醅
詩云爲此春酒以介眉壽注云凍醪此興予非薄何時得奉陪

送王侍御赴夏口座王幕

君爲珠履三千客我是青衿七十徒禮數全優
知隗始討論常見念回愚黃鶴樓前春水闊一
杯還憶故人無

自貽

社陵蕭次君遷少去官頻寂寞憐吾道依稀似
古人飾心無彩績到骨是風塵自嫌如刃素刀
尺不由身

自遣

四十已去老况逢憂窘餘旦抽持板手却展小
年書嗜酒狂嫌阮知非晚笑遽聞流寧嘆吒待
俗不親踈遇事知裁剪操心識卷舒還稱二千
石於我意何如

題桐葉

去年桐落故溪上把葉因題歸燕詩江樓今日
送歸燕正是去年題葉時葉落燕歸真可惜東
流玄髮且無期笑筵歌席反惆悵朗月清風見
別離莊叟彭殤同在夢陶潛身世兩相遺一丸
五色成虛語石爛松薪更莫疑哆也侈不勞文
似錦進趨何必利如錐錢神任尔知無敵酒重
於吾亦庶幾江畔秋光蟾閣鏡檻前山翠茂陵
眉罇香輕泛數枝菊簷影斜侵半局碁休指宦
遊論巧拙祇將愚直禱神祇三吳煙水平生念
寧向閑人道所之

沈下賢

斯人清唱何人和草徑苔蕪不可尋一夕小敷
山下夢水如環珮月如襟

李和鼎

鵬鳥飛來庚子直謫去日蝕辛卯年由來枉死
賢才事消長相持勢自然

贈沈學士張歌人

拖袖事當年郎教唱客前斷時輕裂玉妝處遠
縹煙孤直緼雲定光明滴水圓泥去聲情逢急管
流恨咽長絃吳苑春風起河橋酒旆懸憑君更

一百五十一
一醉家在杜陵邊

憶遊朱坡四韻

秋草樊川路斜陽覆盡門
獵逢韓嫣騎樹識館陶園
帶雨經荷沼盤煙下竹村
如今歸不得自戴望天盆

朱坡絕句三首

故國池塘倚御渠江城三詔換魚書
賈生辭賦恨流落祇向長沙住
歲餘文帝歲餘思賈生煙深苔巷唱樵兒
花落寒輕倦客歸藤岸竹洲相掩映
滿池春雨鷓鴣飛

乳肥春洞生鵝管沼避迴巖勢犬牙自笑卷懷頭角縮歸盤煙磴恰如蝸

出宮人二首

閑吹玉殿昭華管醉折梨園縹蒂花
十年一夢歸人世絳縷猶封繫臂紗
平陽拊背穿馳道銅雀分香下壁門
幾向綴珠深殿裏妬拋羞態卧黃昏

長安秋望

樓倚霜樹外鏡天無一毫南山與秋色
氣勢兩相高

獨酌

窓外正風雪擁爐開酒缸何如釣船雨蓬底睡
秋江

醉眠

秋醪雨中熟寒齋落葉中幽人本多睡更酌一
罇空

不飲贈酒

細算人生事彭殤共一籌與愁爭底事要爾作
戈矛

昔事文皇帝三十二韻

昔事文皇帝叨官在諫垣奏章為得地辭蔭負
明恩金虎知難動毛釐亦耻言撩頭雖欲吐到
口却成吞照膽常懸鏡窺天自戴盆周鐘既窕
櫛胡化黥陣亦癩痕鳳闕觚稜影仙盤曉日瞰雨
晴文石滑風暖戟衣翻每慮號無告長憂駭不
存隨行戶部唯跼踖出語但寒暄宮省咽喉任戈
矛羽衛屯光塵皆影附車馬定西奔億萬持衡
價錙銖挾契論堆時過北斗積處滿西園接棹
隋河溢連蹄蜀棧刈漉空滄海水搜盡卓王孫
鬪巧猴雕刺誇趨索掛跟狐威假白額梟嘯得

黃昏馥馥芝蘭圃森森枳棘藩吠聲嗾國猘公
議怯膺門竄逐諸丞相蒼茫遠帝閤一名爲吉
士誰免弔相魂間世英明主中興道德尊崑崙
憐積火河漢注清源川口隄防決陰車鬼恠掀
重雲開朗照九地雪幽寃我實剛腸者形甘短
褐髡曾經觸蠱尾猶得凭熊軒杜若芳洲翠巖
光釣瀨喧溪山侵越角封壤盡吳根客恨榮春
細鄉愁壓思繁祝堯千萬壽再拜揖餘罇

道一大尹存之學士庭羨學士簡千聖
明自致霄漢皆與舍第昔年還往牧支

離窮悴竊於一麾書美歌詩兼自言志
因成長句四韻呈上三君子

九金神鼎重丘山五玉諸侯雜珮環
星座通霄狼獵暗戍樓吹笛虎牙閑
斗間紫氣龍埋獄天上洪爐帝鑄顏
若念西河舊交友魚符應許出函關

杏園

夜來微雨洗芳塵公子驂騮步貽勻
莫恠杏園顛顚去滿城多少插花人

春晚題韋家亭子

擁鼻侵襟花草香高臺春去恨茫茫
平池晚曲渚飄成錦一張

過田家宅

安邑南門外誰家板築高奉誠園裏地墻缺見蓬蒿

見宋拾遺題名處感而成詩

竄逐窮荒與死期餓唯蒿藿病無醫
重泉恨不見崇山謫去時

雪晴訪趙嘏街西所居三韻

命代風騷將誰登李杜壇少陵鯨海動翰苑鶴

天寒今日訪君還有意三條冰雪獨來看

將赴吳興登樂遊原一絕

清時有味是無能閒愛孤雲靜愛僧欲把一麾
江海去樂遊原上望昭陵

樊川文集卷二

